

– Ես այդ երբեք չէի սպասում Չաջի-Իսաղից, – ասաց նա:

– Սպասելի էր... – պատասխանեց բաղեշցին: – Նա բուլորովին փոխուել էր... վերջին աղետալոր կռիւների ու երկպառակութիւնների ժամանակ նա էր գլխաւոր բողոքողներից մինը, որ Ամերիկայի միսիոնարներին արտաքսեցին Բաղէշից: Խեղճ ծերունին միշտ ասում էր. «Այդ անպիտանները, բաւական չէր, որ մեզ հեռացրին մեր լուսաւորիչ պապից, այլեւ մեզ մեր նախապապի՝ Չայկի, հետ էլ խորթացրին... մեզ մեր հարազատ եղբայրների հետ թշնամացրին»...

Պատի ժամացոյցը զարկեց երկուսը:

Խանութատերը վեր կացաւ եւ, հրաւիրելով իր խօսակցին, ասաց.

– Յոյս ունիմ, որ դուք այնքան բարի կլինիք, որ ճաշը այսօր մեզ մօտ անուշ կանեք:

– Մեծ ուրախութեամբ, – պատասխանեց նա, նոյնպէս կանգնելով: – Ես ձեր կնոջը եւ երեխաներին վաղուց չեմ տեսել, կը ցանկանայի նրանց տեսնել:

Նրանք դուրս եկան խանութից:

Անցան բաւական ուղիղ, մաքուր փողոցներով: Աջ եւ ձախ բարձրանում էին երկյարկանի, երեքյարկանի բարաշէն տներ: Այլեւս ոչ վաղեմի նեղ, կեղտոտ փողոցները կային, եւ ոչ հում աղիւսից կամ կաւից շինուած, կիստոտեր խրճիթները: Ամէն ինչ գեղեցիկ էր, ամէն ինչ մաքուր էր: Մաքրուել էր եւ օդը: Փողոցներում մարդիկ ցնցոտիներով չէին թափառում եւ անցորդի օձիքը բռնելով նրանից ողորմութիւն չէին պահանջում: Կանայք չադրաների մէջ փաթաթուած, երեսները ծածկուած վախենալով չէին ման գալիս, փողոցային անամօթ սրիկաների յարձակմանը չենթարկուելու համար: «գաւուր» բառը այլեւս չէր լսուում: Մահմեդականները քրիստոնէաներին հանդիպելիս մի քանի քայլ հեռոց ողջունում էին: Փաշայի պալատի մէջ նստած էր մի քրիստոնէայ նահանգապետ: Օրոայ այն ժամն էր, երբ դպրոցում արձակում են աշակերտներին: Տղայ եւ աղջիկ, գրքերի պայուսակները մէջքներին կապած, կամ թելքերի տակն առած, լցրել էին փողոցները: Անցնելու տեղ չկար: Դրանց փոխարէն, այդ փողոցներում, մի ժամանակ վիստում էին հարբած ետիչերիները, մերկ սրերը ձեռքներին, կամ խլրտում էին գազանաբարոյ «ասքարը»՝ յափշտակելով ամէն պատահած բան: Քաղաքացիք, նրանց տեսնելով, օր ցերեկով մտնում էին իրանց տները եւ դռները պինդ փակում էին: Այժմ ո՛չ այդ բարբարոսները կային եւ ո՛չ վաղեմի երկիւղը կար: